

## Porte-ouverte 2022

Den **MLGreen** an den **MLGaart** waren och op eiser **Porte ouverte** aktiv an hunn op hirem Stand hier Aktivitéiten a Projete präsentéiert.

Hei konnten d'Visiteuren sech och an enger Rei vu Quizen beweisen an eng **Sonneblumm** als Souvenir mathuelen.



## Neie Look fir eis Waasserspender

Ënnert der Leedung vum **Cindy Di Nicolo** hu 4 motivéiert Schülerinnen vun der **ACTPA Afternoon Art** eis **Waasserspender** an der Schoul verschéinert. Sou sollen eis **Waasserspender** méi an Szene gesat ginn an eis Schüler awer och all aner Member vun der Schoulgemeinschaft dozou motivéieren op Einwegplastikflaschen ze verzichten.



Dem **Cindy** an eise Schülerinnen dem **Léonie, Fabiana, Chantal** an **Zoé** e grouse Merci fir hier wäertvoll Aarbecht!

## MLGaart

**Den 30. Juni ass den internationale Dag vum Gaart!**

Dësen Dag fungéiert als Symbol fir Ëmweltschutz, d'Gréngung vu Gäert a Gréngflächen a méi Biodiversitéit. **Och eisen MLGaart war aktiv!** Nodeems eis **Beien** de Wanter krankheetsbedéngt leider net iwwerstanen hunn, hunn mir no grëndlecher Reengung vum Beiestack eis en neit Beievollek zougeluecht an op déi gewinnte Platz installéiert. An wonnert iech net dass mir d'Wiss net geméit hunn: Dëst hunn mir extra sou gelooss, dass eis Beie vill wëll Blumme fanne fir gesond a staark ze ginn! Sie hunn sech elo och gutt agelieft a produzéiere schoun fläisseg Nowuess an Hunneg!

Villäicht hutt dir och schoun eis nei Beplanzung am Schoulhaff gesinn: De Frühblüher hier Zäit huet sech dem Enn zoubeweegt, a mir hunn nieft **Kraider** wéi **Thymian** a **Peffermënz** och **Tomaten** an **Äerdbiere** geplanzt. Wann d'Wieder matspillt, da wuessen och geschwënn eis geséinte **Summerblummen!**



# Sonneblumen-Challenge

Des Weideren leeft de Moment och nach eis **Sonneblumen-Challenge!** Fir dës Challenge kruten alleguer eis 7iëmen eng Sonneblumm ëm déi si sech musse bis zum Schluss vum Schouljoer këmmere. De **12. Juli** gëtt déi schéinsten a gréisste Sonneblumm erausgesicht an d'Schüler vun der **Gewënner-Klass** kréien als **Beloung** eng Glace.



## "Pick a Bike"

Den **3. Juni** ass den internationalen **Dag vum Vëlo** - en Aktiounsday deen a verschiddenen europäesche Länner **zënter 1998** ofgehalen gëtt. Heiduerch soll op déi ëmmer méi grouss Problemer duerch de motoriséierte Verkéier higewiesen an dorop opmierksam gemaach ginn, dass de Vëlo dat ëmweltfrëndlechst, gesondst a sozial akzeptabelst Transportmëttel ass.



Zu där Geleeënheet wëlle mir iech gären e neie Projet präsentéieren: den **MLG Bikes "Pick a Bike"**!



## Green Living Tipp vum Mount

Mir alleguer sinn alldeeglech am Internet ënnerwee. Hei e puer Iddien wéi mir och eist Liewen online méi gréng kënnen gestalten.

**Kuckt iech et un!**  
**Klengschrett.lu**



Mir invitieren op eis **Green-Challenge** vum Mount



**E mini-Beet am Gaart oder Uebst/Geméis um Balcon upflanzen**

**Plant a mini-bed in the garden or grow fruit/vegetables on the balcony**

#ConsciousChallenge

**GRÉNGEN INTERNET**

**E kleng Schrétt fir mech E grouss Schrétt fir meng Ëmwelt**

- Ech limitéieren d'Unzuel vun openen Internetseiten.
- Ech maache reorganiséiert den Tri a menger Mailbox.
- Ech tippen d'Web-Adress direkt an d'Adressbar an.
- Ech stockéieren nëmmen déi néideg Donnéeën an der Cloud.
- Ech vermeide grouss Dateien a messenger.
- Ech installéieren keng Appen déi ech net wierkelech brauch.
- Ech minimeieren de Streaming a setzen d'Videooplosung erof.
- Ech versorge meng Apparater gutt an hale mir en Handy bis en net méi geet.

Manner Dateverkéier, manner Apparater

klengschrett.lu

## Loscht op eng nohalteg Oofkilling fir de Summer?



**Dann kuckt iech d'Rezept un**

## Anti-Gaspi 2 go

« AntiGaspi 2 go » est un **projet pilote** que **Restopolis** a élaboré sur demande du MLG et en étroite collaboration avec et le MLGreen.

Restopolis **distribuera gratuitement les produits non-vendus** à la fin des cours à 14h00.

La distribution gratuite des plats de midi se fera dans des barquettes écologiques biodégradables.



## Escape-Room

Am Kader vun eiser ACTPA MLGreen hunn e puer Memberen vum Ëmweltgrupp sech am **Jugendzenter Märjendall** getraff fir zesummen un engem **Escape Room** Deel ze huelen. Hei konnten mir e puer flott Iddien sammelen fir eise nächste Projet deen soll iwwer dat nächst Schouljoer ausgebaut ginn: en **Escape Room** zum **Thema Nohaltegkeet** fir eise Lycée.

